

Sorpstöð Suðurlands
Austurvegi 56
800 Selfoss

Reykjavík, 6. desember 2019
UST201912-039/F.T.
08.14.02

Efni: Áform um áminningu og krafa um úrbætur

Umhverfisstofnun vísar í bréf dags. 27. október 2019 þar sem stofnunin óskaði eftir tímasettri úrbótaáætlun vegna fráviks er fram kom í eftirliti í Sorpstöð Suðurlands bs. að Kirkjuferjuháleigu í Ölfusi þann 18. september.

Frávikið er eftirfarandi:

1. **Gr. 5.3. Mælinga- og losunarmörk fyrir sigvatn, sbr. reglugerð nr. 738/2003.** Í sigvatni frá urðunarstaðnum eru að mælast þungmálmur yfir losunarmörkum þ.e. nikkel, baríum og antimón.

Umhverfisstofnun veitti frest til að senda inn tímasetta áætlun um úrbætur vegna framangreindra fráviks til 20. nóvember sl. Umhverfisstofnun hefur enn ekki borist tímasett áætlun um úrbætur. Stofnunin áformar því að áminna rekstraraðila, sbr. 2. tl. 1. mgr. 60. gr. laga nr. 7/1998, um hollustuhætti og mengunarvarnir. Jafnframt er gerð krafa um úrbætur. Umhverfisstofnun veitir rekstraraðila frest til 20. desember nk. til þess að skila inn tímasettri áætlun um úrbætur eða koma sjónarmiðum sínum á framfæri, sbr. 13. gr. stjórnisýslulaga nr. 37/1993.

Vakin er athygli rekstraraðila á því að Umhverfisstofnun hefur heimildir samkvæmt XVII. kafla laga nr. 7/1998, um hollustuhætti og mengunarvarnir, til þess að knýja á um framkvæmd ráðstöfunar samkvæmt kröfum stofnunarinnar. Stofnunin getur m.a. lagt á dagsektir og stöðvað starfsemi.

Áminning mun verða birt á vefsíðu Umhverfisstofnunar komi til slíkrar ákvörðunar. Jafnframt mun stofnunin birta á vefsíðu sinni sjónarmið fyrirtækisins.

Gjald fyrir vinnu sérfræðings við eftirfylgni vegna fráviks frá ákvæðum starfsleyfis verður innheimt samkvæmt gjaldskrá Umhverfisstofnunar nr. 535/2015, með síðari breytingum.

Óski rekstraraðili eftir frekari upplýsingum má hafa sambandi við Frigg Thorlacius í síma 591-2000 eða með tölvupósti á frigg.thorlacius@ust.is. Gögnum skal skila í pósti til Umhverfisstofnunar eða á netfangið ust@ust.is.



Skúli Þórðarson
sviðsstjóri

Virðingarfyllt



Frigg Thorlacius
lögfræðingur

Afrit: Heilbrigðisnefnd Suðurlandssvæðis

